

KISIM AIDIA LONG SAINA



Sir Maori Kiki i bin kam bek long wanpela lukluk raun long bikpela kantri Saina na em i laikim planti samting em i bin lukim.

Em i tok bai PNG i mas

stat wok gut wantaim kantri Saina na baim na salim olkain samting long em.

Em i namba wan taim wanpela gavman minista bilong PNG i go toktok wantaim ol Saina.

Sir Maori i tok em i laikim planti pasin em i bin lukim long Saina.

Saina i sanap long lek bilong em yet; em i no hangamap o pilo long wanpela arapela kantri. PNG i mas mekim wankain.

Planti kain samting bilong wok ol Saina i save wokim long diwai tasol. Em i gutpela bilong ol PNG; yumi inap (i go moa long pes 13)

Bougainville hariapim ileksen

Ol Bougainville i laik makim de bilong ilektim ol hetman bilong nupela Provinsel Gavman bilong ol. Tasol namba wan ilektoral ofisa, Mista J.S. Mileng, i no laik. Em i tok em i samting bilong dipatmen bilong em tasol bilong mekim ol dispela wok. Na i no samting bilong ol pipel nating.

Em i tok Ilektoral Autoriti bilong gavman i wok nau long redim komon rol, em i buk i gat nem bilong olgeta manmeri i ken vot. Na tu gavman i wok long makim ol arere bilong wan wan ilektoret.

Bihain ol dispela samting i redi pinis, orait, nau gavman i ken makim ileksen de. Em i lo na pasin bilong trupela ileksen.

Mista Mileng i krosim Pater Momis, Rijonal Mema bilong Bougainville, long wanem em i no kamap toktok wantaim ol ilektoral ofisa taim ol i bin kam long 1974 bilong givim skul long ileksen lo.

* Independens bai i no kamap long 8 Jun. Nau ol i ting em bai kamap long Septemba, ating long Nesenel De yet, em de namba 15.

PAINIM INSAIT

- WATPO JOINIM Y.C....4
- VILES KOT PAWA5
- NUPELA LO BILONG KA.6
- OL I WOK SAKSAK8
- BIAMI BUS PIPEL9
- LIKLIK HAP NIUS ...11
- TRAIM AI12
- MANI I WOK GUT12
- NUPELA FANTOM14

Wok didiman mas win long PNG



Don Forbes, tisa bilong Higaturu Vokesenel Skul long Papua, i skulim ol studen long pasin bilong kamapim gutpela pik. Olabo, ol saveman tu i laik kaikai pik, em namba wan kaikai bilong PNG. Tasol watpo yumi no save skul long dispela samting long olgeta skul? Yumi laikim mani. Pik em mani bilong PNG.

PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

GUTPELA

Dia Edita:.....
Ol tisa i ken tis na traim aut o wokim olsem samting ol i lainim ol studen i wokim ekspemen. Ol sumatin i wokim ekspemen na ol i lukim wanem kaikai i kamap gut. Nau ol i gat amamas. Mi askim inap long Edukesen Dipatmen i ken baim graun klostu long haiskul i stap long en.

EM TASOL

Dia Edita:.....
Mipela ting olsem: agrikalsa em wanpela gutpela samting, olsem na mipela i ting olsem. Olgeta taim mipela i mas spenim moa taim long en. Na mipela ting olsem: long sampela subjek mipela i mas spenim liklik taim.

SORE

Dia Edita:.....
Em i asua bilong mipela ol studen tu. Taim skul holide mipela i no sindaun gut long ples na wokim gaden. Na tu taim mipela sampela drop aut long skul mipela i laik wok mani tasol. I no tingting long wok gaden, nogat tru. Mipela i laik raun nating tasol na painim mani na i no ting long wokim gaden.

PAINIM TOK WE ?

Dia Edita:.....
Mi ting tok bilong Dokta Guise i stret. Dispela tok i sutim i go stret long gutpela

poin tru. Dispela poin i olsem taim ol skulboi i kam long haiskul ol i save mekim planti hambak pasin nogut.

Na ol tisa i save rausim ol boi long skul.

PAPAMAMA RONG

Dia Edita:.....
Tasol asua i stap long gavman. Gavman i lainim mipela long go wok long taun. Na ol papamama i laik mipela i mas pinis long skul na go wok long taun na helpim ol. Mi ting i no stret long olgeta sumatin i lainim wok didiman.

Sapos mipela olgeta i lainim wok didiman na i go bek long ples, husat bai developim PNG?

Bipo ol tumbuna i stap ol i wokim liklik gaden na ol i sindaun amamas

na kisim kaikai long en. Tasol ol i no developim PNG. Sapos mipela i go mekim kain pasin olsem em i no stret.

YU RITIM WE ?

Dia Edita:.....
Poroman Minista Guise i tok olsem mipela ol skul pikinini i mas go bek long ples na wok bisnis long ples.

YES, TASOL

Dia Edita:.....
Em i min olsem ol Papua Niugini i lusim tingting long wokim gaden pinis. Tasol mipela i groim inap kaikai bilong mipela na long salim long ol taun maket.

Na taim mipela i salim kaikai long maket na ol taun wokman o ol man i kam long baim kaikai i no save baim olgeta. Mipela i save karim sampela i go bek long ples.

NUPELA AIDIA

Long WANTOK bilong 5 Februeri long pes namba 10 mipela i bin prinim wanpela liklik nius stori, nem bilong em i ASUA BILONG HUSAT?

Plantu studen bilong Asaroka Lutheran Haiskul long Isten Hailans i ritim dispela na i gat planti kain kain tingting long en. Ol i bin raitimdaun na i bin salim i kam long mipela.

Mipela i amamas tru long dispela na mipela i laik planti haiskul tisa i tokim ol studen long mekim wankain.

Sampela tingting i kisim mak na sampela i popaia. Yu yet yu ritim dispela stori na yu go ritim ol pas na yu yet yu skelim.

ASUA BILONG HUSAT?

Dokta Guise, Minista bilong Agrikalsa, i hatwok moa nau long skulim ol pipel long planim ol kain kaikai inap long

dispela kantri.

Em i wari nau bikos yumi skul pinis long go wok long painim mani na i no gat wok. Tasol wanem skul i givim save long planim gaden?

POPAIA

Dia Edita:.....
Em i bin toktok long o skul liva long ol i sav raun nabaut nabaut long taun na mekim plant trabel. Na em i laik ol i mas i go bek long ples bilong ol.

Olsem na mi ting em gutpela tok long wanem mi i save lukim plant manmeri i pinis long standet 6 na Fom 2, ol i save raun nabaut long taun.

Na ol i no save helpim papamama bilong ol long wokim gaden. Ol i ting ol i gat bikpela sav na ol i save i go nabaut long taun.

WESTIM SAVE

Dia Edita:.....
Dokta Guise em asua bilong yupela ol lida bilong kantri. Yupela i no laik wokim lo long Haus ov Asembli na helpim ol Fom 2 o Fom 4 skul liva long wokim sampela Agrikalsa Koles long trenim na helpim papamama long wokim gaden.

Yu laik mipela kisim save nating tasol na i go wokim gaden long ples na westim save bilong mipela nating?

Yu tingting long pikinini bilong yu, yu bin salim long skul. Sapos em i kisim save na bai em i ken i go wokim gaden olsem yu

KAIKAI BUK

Dia Edita:.....
Tingting bilong mi i go olsem: ating yumi mas kaikai pastaim na bihain yumi ken stadi.

Maski save, sapos bel i krai long kaikai. Nau yumi pilim: buksave em i no inap. Husat i stiaim yumi long dispela rot?

GIVIM GUTPELA TOK AMAMAS

Dia Edita:- Hia mi laik tokaut long sampela samting i bin kamap long dispela skul. Long olgeta mun long yia olgeta papamama i save kamap long wok long skul. Ol i save wokim gaden ananas bilong skul, klinim skul graun, wokim banis kau na stretim ol blain tu.

Ol i save mekim gut tru long skul na mipela staf i save amamas tru. Na tu olgeta arapela arapela kain misin olsem: Apostolik, Katolik, Luteran na Sevende olgeta i save helpim na tu kiap bilong dispela patrol pos tu i save helpim wantaim ol lokal gavman kaunsila.

Na skul tu i gat kain kain projek olsem: kau, ananas, lombo, na pinat.

Wanpela bikpela samting i kamap tru long dispela skul long pinis bilong dispela yia em skul pati. Ol papamama i bin kilim 49 pik na 47 kakaruk na planti ol arapela kain kaikai tu ol i bringim.

Ol skulpikinini yet wantaim ol tisa ol i bin bungim mani inap olsem \$45.00 na baim ol kain kain kaikai long stua.

Mipela kukim na mumuim olgeta kaikai na skelim long olgeta klas na kaikai.

Pater bilong Katolik Misin o Sios, em Pater Fellner i givim sampela presen nating long skul na tu em i kam opim prea bilong kaikai long skul.

Mi bai i amamas tru sapos Wantok i prinim dispela tok o nius bilong skul. Long wanem planti skul long kantri bilong yumi i save gat kain kain trabel long ol papamama o Bot ov Menesmen o misin o tisa na tu kaunsil na kiap.

Tasol dispela skul

hia long Lake Kapiago i save ran gut tru long han bilong olgeta kain misin, gavman, pipel na tisa. Olsem na skul i ran gut moa na mipela olgeta i save amamas. Long dispela yia tasol mipela i gat 102 visita bilong olgeta hap i kam lukim skul. Em tasol.

Pius Mak,
Lake Kapiago/Enga.

YUMI KROS TUMAS

Dia Edita:- Yes ol brata long taim nau, mipela lukim wanpela pasin i no stret tumas, i stap insait long yumi olman bilong Papua Niugini yet. Husat i bin kamap menesa o bosman insait long olgeta wok long kantri bilong yumi?

Dispela pasin em i olsem: Sapos wanpela man bilong yumi i kamap bos na kisim wanpela lain wokman bilong em, na em yet i stap hetman long ol na em i bosim ol. Olaman, em i save krosim ol long toktok nogut, na em i save daunim ol long sampela samting tu.

Ol dispela samting i save kamap long yumi ol man bilong PNG yet.

Na long dispela kain pasin tasol, mipela ol studen long Sinia Seminari Skul i bilip olsem: Sapos Independens i kamap long PNG, bai i stap 1 o 2 yia samting,



nabihain long dispela kros, pait na trabel i kamap.

Olsem na mipela i laik tok olsem: Sapos yu stap long Koles, Yunesiti o Haiskul na yu bos long sampela man, plis yu mas isi long ol na toktok gut wantaim ol, bikos yumi olgeta i wan kantri na wanskin, na tu yumi olgeta kristen man tasol. Yumi olgeta i wok aninit long God na Gavman tasol.

Jethro Pudina,
Finschhafen.

PAPUA INAP ?

Dia Edita:- Mi laik autim liklik toktok bilong mi long tok bilong Josephine Abaijah. Em i tok olsem bai ol Papua i bruk na lusim Niugini.

Mi ting sapos em i laik, mi ting bai Papua i no gat bikpela bisnis bilong en. Niugini i gat inap bisnis.

Mi raun long Papua inap ll yia pinis na mi lukim ples bilong ol i lus tru long bisnis. Sapos Abaijah i ting em i gat inap bisnis, orait em ken lusim Niugini na em i ken brukim kantri

So em tasol long liklik wari bilong mi, mi laik lukim gen long Wantok Niuspepa. Tenkyu. Alois Moiseri,
Kimbe/W.N.B.D.

Samting olsem 20,000 pikinini i go aipas olgeta long wan wan yia bikos ol i sot long wanpela samting ol i kolim Vitamin C.

TU MINIT TINGTING

FAMILI

"Orait, em i go bek wantaim tupela, na ol i kamap long Nasaret, na oltaim em i bihainim tok bilong tupela." (Luk 2, 51.)

Taim Jisas i stap long graun, em i karim pen inap 3-pela aua long Gut Fraide bilong baim bek yumi. Em i mekim wok misineri inap long 3-pela yia. Tasol em i stap insait long wanpela famili na i wok olsem ol arapela man inap long 30 yia olgeta.

Ating em i bin mekim olsem bilong givim wanpela eksampel long yumi.

Famili em i as ples tru bilong yumi olgeta. Ol saveman i tokim yumi, ol pasin pikinini i lainim inap em i gat 6-pela yia, dispela ol pasin bai i no ken lusim em moa. Ol i save hangamap long bun na skin bilong em.

Olsem na papamama i mas lukaut gut ol i givim wanem tok na soim wanem pasin long ol liklik pikinini bilong ol.

Na pikinini i gat wanpela wok: em i bilong harim tok, olsem yumi bin lukim long lain bilong Baibel i stap antap tru long dispela stori. Maski Jisas em i God na em i save long olgeta samting tru, em i bihainim tok bilong Maria tupela Josep. Na dispela wanpela taim em i no tokim ol na em i stap insait long tempel inap 3-pela de na tupela i hatwok long lukautim em, tupela i krosim em.

Olsem ol papamama tu i ken lukim: em i no rong long krosim pikinini i mekim rong. Nogat tru. Na i no rong long paitim pikinini tu. Pen i ken givim gutpela save long em, em i wanpela kain save em inap pilim.

TOKSAVE LONG SELPSTADI

I no longtaim na bai ol miting i laik kamap long wan wan daiosis. Ol pris na katekis na lida i bin wok long selpstadi, bai ol i bung inap long 3-pela de. Bai ol i skelim gut ripot i bin kamap long selpstadi bilong daiosis.

Man bilong bosim wok bilong selpstadi i bin salim ripot i kam long mipela long Goroka. Bai yumi laik toktok long dispela ripot.

Long miting bilong wan wan daiosis bai yumi laik harim tru ol wari bilong pipel wantaim ol gutpela tingting ol i bin kamapim bilong stretim sampela hevi bilong ol. Ating ol i bin painim sampela gutpela rot bilong stretim sampela wari bilong daiosis na bilong kantri tu.

Sampela wari na aidia bilong daiosis stret bai yumi ken givim long bisop na ol lida bilong daiosis yet. Sampela wari i bilong kantri olgeta, yumi ripotim long het ofis long Goroka. Bai Nesenel Asembli i ken skelim.

Wan wan daiosis bai makim ol man na meri i mas kamap olsem deliget i go long bikpela kibung long Goroka long Me 20 inap 23.

Ol i wetim moa olsem 90 deliget bai kamap long Nesenel Asembli long Goroka.

Taim bilong miting long wan wan daiosis em:

<u>Mas 13:</u> Lae	<u>Epril 14:</u> Madang
<u>Mas 17:</u> Mt. Hagen	Bougainville
<u>Epril 7:</u> Sideia,	<u>Epril 22:</u> Wewak



**Bilong wanem
ol yanpela
pipel kamap
YC memba**

WOKMAN Mi kamap memba long mi laik stap wantaim ol narapela yangpela na mipela i ken bung insait long YC Hol.

WANPELA MERI Mi laik stap wantaim YC long wanem mi laik danis, na danis insait long YC i gutpela tru.

WOKMAN 2 Mipela i ken bung insait long YC na mipela tu i stap insait long wanpela ben na mipela i ken yusim ol instramen long YC long praktis.


WANPELA NES Mi laik memba long wanem, mi tu i laikim danis bilong YC na lukim na toktok wantaim ol narapela na tu mi laik helpim ol dispela lain yumi kolim YC Junia Gel, em ol liklik susa bilong yumi.

WOKMAN 3 Mi laikim boksing olsem mi kamap memba long YC.

STUDEN LAE TEK Yu save YC i stap klostu na mipela studen i laik goaut sampela taim long skul na mipela painim YC Hol em i gutpela ples tru long sindaun na toktok wantaim ol narapela yangpela long PNG.

STUDEN LONG BUGANDI Tru mipela i no ken goaut planti taim long skul bilong mipela, tasol (i go moa long pes 13.)

PENTA-VITE



PENTA-VITE

**DISPELA
MARASIN I BILONG
STRONGIMI OL
PIKININI
NA MEKIM OL I GRO
KWIKTAIM**

yu ken baim long olgeta stua marasin

MERI KAMAP SNEK

Long wanpela ples long hap bilong san i kamap i gat ol man i stap. Na wanpela lapun meri na wanpela pikini-ni meri tu i stap.

Bihain dispela yangpela meri hia i marit long wanpela man, na tupela i gat tripela pikinini: tupela meri na wanpela pikinini man. Dispela man wantaim meri bilong em i hatwok tru long planim bikpela gaden taro na kaukau.

Ol i stap liklik taim moa na mama bilong meri i dai. Na tewel bilong dispela lapun i tanim olsem pik, i kam kaikai olgeta taro na kaukau long gaden bilong ol. Na papa i tok; "Wanem samting i kaikai na pinisim ol taro na kaukau bilong yumi long gaden?

Mobeta mi was na lukim pastaim."

Long wanpela de nau man ya i go was i stap long gaden, na dispela pik i kamap. Na em i kilim indai dispela pik na karimigo long ples.

Ol i katim dispela pik na tilim long olgeta man bilong ples, na ol i kaikai na amamas tru. Tasol man ya i givim het bilong pik long meri bilong em long kukim bilong ol long kaikai.

Tasol meri ya i laik lukluk i go insait long sospen na lukim pes bilong lapun mama bilong em i bin dai bipo.

Kwiktaim tumas tewel bilong lapun mama i mekim meri hia i kamap snek. Bihain mama hia i tanim olsem snek, em i



wokabaut antap long diwai, na tripela pikinini i krai na wokabaut long graun. Ol i krai i go na mama snek i tokim ol, "Yupela i go bek long ples."

Tasol ol i tok, "Mama, yumi stap gut. Tasol yu mekim dispela pasin i no stret long lusim mipela."

Na mama i bekim tok olsem, "Yumi stap gut tasol papa bilong yupela i kilim tumbuna bilong yupela i dai. Olsem

na tewel bilong tumbuna i mekim mi i kamap snek.

Em i tok olsem pinis na i go insait long wanpela hul bilong ston. Tripela pikinini hia i longlong long i go bek long ples. Olsem na ol i go kamap long wanpela arapela ples na ol man bilong dispela ples i kisim ol na i stap wantaim ol.

Nau yumi ken lukim nambis i gat planti snek i stap, em as long dispela meri tasol.

PAWA BILONG VILES KOT

As tru bilong kamapim ol Viles Kot em hia: bilong stretim ol liklik kain trabel i save kamap long ol pipel bilong ples, na helpim gutpela sindaun bilong ol. Olsem nau, namba wan samting tru ol Viles Kot i mas mekim, em bilong bungim ol man i gat trabel, na toktok gut wantaim ol bilong painim rot bilong pinisim ol trabel bilong ol.

Viles Kot Lo i givim ol Viles Kot pawa bilong stretim o harim kot long sampela ol dispela kain trabel:

1. Ol trabel i save brukim pasin tru bilong ples.
2. Stilim samting, pe bilong en inap wan handet dola (\$100).
3. Ol pait i no gat wanpela manmeri i dai pinis long en.
4. Trabel long marit, olsem wanpela marit i pilai long narapela marit o singel.
5. Ol tok nogut na tok bilas.
6. Trabel bilong pik na bulmakau i brukim banis na i go bagarapim samting bilong narapela man.

(stori i go moa long pes 10)




Tasol nau Kristen Pres i gat hevi liklik. Mipela i painim man no meri inap long mekim wok edita. Em i mas kisim save long pasin bilong stretim tok bilong buk.

Sapos yu ting yu inap long kisim save long kain wok olsem na yu ting yu laik mekim dispela wok, orait raitim pas i kam long:

*Publishing Manager
Kristen Pres Inc.
P.O. Box 712, MADANG*

Raitim pas long tok Pisin tasol.

BIKPELA TOK SAVE I GO LONG OLGETA DRAIVA



Wanpela sosaiti bilong raitim insurens bilong olgeta ka na trak long Papua Niugini, em ol i kolim Motoka Insurens Tras (PNG), bai statim nupela wok bilong em long de namba 3 bilong Mas 1975. Stat long dispela de, bai dispela sosaiti tasol i bosim olgeta Insurens Setifiket yumi mas holim bipo yumi ken kisim registresen bilong ka o trak bilong yumi.

Gavman yet i bin kamapim dispela nupela tras o sosaiti, bai olgeta kain kain insurens i save kam long kain kain kampani bipo, nau i ken i stap long han bilong dispela wanpela sosaiti tasol; em wanpela inap long mekim wok bilong olgeta kampani wantaim.

Dispela tras o sosaiti i laik mekim dispela ol wok:

(A) Em i laik mekim bai em i moa isi long ol man i ken kisim dispela kain insurens bilong helpim namba tri man.

(B) Em i laik hariapim pasin bilong stretim tok, bihain long ka o trak i bagarapim wanpela man.

Bihain liklik bai ol i prinim nem bilong olgeta man long Papua Niugini i gat strong long raitim dispela kain insurens long wan wan distrik na ples. Yu mas holim gut dispela pepe i gat nem bilong ol. Nogut yu lusim.

HOLIM GUT OL DISPELA TOKSAVE LONG TINGTING BILONG YU:

- (1) Lukaut gut bai setifiket bilong insurens bilong ka o trak bilong yu i gutpela yet, na i no popaia long las de bilong en.
- (2) Bihain long 3 Mas 1975, olgeta setifiket bilong registresen bilong olgeta ka na trak bai kam long dispela nupela tras o sosaiti tasol. I no gat narapela rot.
- (3) Bihain yu kisim pinis insurens long dispela sosaiti, na wanpela man i bin kisim bagarap long ka bilong yu, yu mas ripotim dispela samting long dispela sosaiti kwiktaim tru. Bihainim olgeta lo i stap long baksait bilong setifiket bilong insurens.
- (4) Lukaut bai yu draiv oltaim gutpela. Olsem bai yu inap abrusim olkain birua i ken painim memba bilong famili bilong yu na kilim em i dai o bagarapim olgeta.

**Dispela liklik toksave i bilong helpim ol pipel, na i kam long:
Motoka Insurens Tras (PNG)
Telipon: 2372, Port Moresby.**

OLGETA DRAIVA LUKIM GUT

Stat long 3 Mas 1975, ol dispela man i bin kisim strong na orait long Motoka Insurens Tras (PNG) bilong raitim setifiket bilong insurens bilong helpim namba tri man. Em hia nem bilong ol:

ARAWA

C.I.B. Insurance (Pacific) Pty. Ltd.,
P.O. Box 616.
Queensland Insurance (.N.G.) Ltd.,
P.O. Box 168, Kieta.
Arawa Motors Pty. Ltd., P.O. Box 723

BAIYER RIVER

Australian Baptist Missionary Society.

BANZ

F.R. Thiele, P.O. Box 25.

BEREINA

K.L.G. Stores.

BOROKO

GRE Pacific Insurance Proprietary Ltd.,
P.O. Box 7228.
Queensland Insurance (P.N.G.) Ltd.,
P.O. Box 6330.
The United Insurance Company Ltd.,
P.O. Box 1657.

BULOLO

J. Taylor, P.O. Box 65.

GOROKA

Farmers Settlers Cooperative Ltd.,
P.O. Box 75.
A. L. Sinclair, P.O. Box 96.
Steamships Trading Coy.
Tutt Bryant Pacific Limited, P.O. Box 50.

KAINANTU

Kainantu Service Station, P.O. Box 42.

KAIRUKU

S.R. Slaughter.

KAR KAR ISLAND

Kulili Estate.

KAVIENG

Burns Philp (NG) Limited, P.O. Box 48.
S.W. Thomas, P.O. Box 68.

KIETA

Bougainville Transport, P.O. Box 104.
Steamships Trading Company.

KIMBE

Cooperative Wholesale Society Ltd.,
P.O. Box 414.
Kimbe Concrete, P.O. Box 120.
South Pacific Beverages (Kimbe) Pty. Ltd.,
P.O. Box 187.

LAE

C.I.C. Insurance (Pacific) Pty. Ltd.,
P.O. Box 1085.
GRE Pacific Insurance Proprietary Limited,
P.O. Box 1296.
Queensland Insurance (P.N.G.) Ltd.,
P.O. Box 1218.
Southern Pacific Insurance Company,
(P.N.G.) Limited, P.O. Box 758.
The United Insurance Company Ltd.,
P.O. Box 961.
Macdonald Hamilton P.N.G. Ltd.,
P.O. Box 1334.
New Guinea Pastoral Supplies Pty. Ltd.,
P.O. Box 83.
Radio Cabs (Lae) Pty. Ltd., P.O. Box 1034.
Steamships Trading Company.

LORENGAU

Edgell Whiteley Ltd.
R.L. Knight, P.O. Box 108.
Manus Transport Services, P.O. Box 39.

MADANG

F.C. Bohman, (B. Bohman & Coy.) P.O. Box 148.
Boroko Motors Ltd., P.O. Box 342.
Burns Philp (NG) Limited, P.O. Box 605.
Steamships Trading Limited, P.O. Box 377.
Wewak Timbers Pty. Ltd., P.O. Box 291.

MANUS ISLAND

R.L. Knight, P.O. Box 108, Lorengau.

MAPRIK

Sepik Producers Cooperative Association Ltd.,
P.O. Box 35.

MT. HAGEN.

Queensland Insurance (PNG) Ltd., P.O. Box 18.
Boroko Motors Ltd., P.O. Box 233.
P. Howard, P.O. Box 275.
Missionary Aviation Fellowship, P.O. Box 273.
Mount Hagen Pharmacy, P.O. Box 273.
Steamships Trading Company.
Wamp NGA Motors.

PANGUNA

Tutt Bryant Pacific Limited, P.O. Box 521.

POPONDETTA

Musa Agencies Pty. Ltd., P.O. Box 143.
Steamships Trading Company
Awala Services Pty. Ltd., P.O. Box 155.

PORT MORESBY

Bain Dawes Pty. Ltd., P.O. Box 104.
C.I.C. Insurance (Pacific) Pty. Ltd.,
P.O. Box 3158.
General Accident Fire & Life Assurance
Corporation Ltd., P.O. Box 339.
(Formerly Yorkshire Insurance Company)
New Zealand Insurance Company Ltd.,
P.O. Box 905.
Queensland Insurance (PNG) Ltd., P.O. Box 814.
Southern Pacific Insurance Company, Ltd.,
P.O. Box 136.
The United Insurance Company Ltd.,
P.O. Box 1657, Boroko.

RABAU

GRE Pacific Insurance Proprietary Ltd.,
P.O. Box 818.
Queensland Insurance (PNG) Ltd., P.O. Box 818.
Southern Pacific Insurance Company
(PNG) Limited, P.O. Box 123.
A. A. Hopper & Company, Pty. Ltd.,
P.O. Box 384.
ASP New Guinea Pty. Ltd., P.O. Box 166.
Coastal Shipping Coy. Ltd., P.O. Box 423.
D. O'Donnell, P.O. Box 111.
Steamships Trading Company.

RIGO

O. Wardrop.

SAMARAI

Burns Philp (NG) Ltd., P.O. Box 2
Steamships Trading Company.

TELEFOMIN

Telefomin Development Association.

VANIMO

Steamships Trading Company.

WAPENAMANDA

Waso Ltd.

WAU


F. Hurrell
E. Nicol, P.O. Box 82.

WEWAK

Burns Philp (NG) Limited, P.O. Box 177.
Missionary Aviation Fellowship, P.O. Box 99.
Wewak Transport Services Ltd., P.O. Box 63.

Lukaut: Sapos setifiket bilong insurens bilong helpim namba tri man i no stret, bai yu no inap kisim registresen bilong ka o trak bilong yu.

Lukaut: Oltaim yu mas draiv gutpela. Nogut yu painim birua olsem dispela na sampela mamba bilong famili bilong yu i kisim bagarap o i dai olgeta.



OL SEPIK I WOK SAKSAK





OL BIAMI PIPEL

Mista Moses Sasakila, Minista bilong Kalsa na Kriesen, em i namba wan minista bilong Papua Newgini i bin go lukim ol Biami pipel long Westem Distrik.

Samting olsem 80 pipel na ol studen bilong North Praimeri Skul i welkam long Mista Sasakila long ples balus. Ol pipel hia i bin bilas long samting bilong tumbuna na i sanap wet i stap intaim banara na spia.

Long dispela taim yet, Mista Sasakila i opim dispela nupela kalsaral senta ol Biami i bin wok long ol samting bilong bus stret.

Memba bilong Westen Rijonal, Mista Naipuri Maina, em tu i bin i stap insait long dispela pesede. Bihain long seremoni ol Biami i bin givim dispela banara na spia long Mista Sasakila.



(antap)

Mista Moses Sasakila, lukluk long samting long pait.

(aithan antap)

Mista Moses Sasakila, minista bilong Kalsa, Mista Naipuri Maina, Mista bilong Westen Rijonal, i lukluk long wan pesela kundu bilong ol Biami.

(aithan name)

Mista Naipuri Maina, Mista i toktok wantaim ol Biami long Nomad Praimeri Skul.

(aithan)

Ol Biami welkam long Mista Moses Sasakila long ples balus.



OL VILES KOT
(stori i kam long pes 5)

7. Ol bagarap bilong haus o kopi o diwai o garden bilong narapela.
8. Ol pasin bilong wailisim nabaut tok giaman bilong pretim narapela man.
9. Ol pasin bilong wailisim nabaut stori nogut i bagarapim gutnem bilong narapela man.
10. Hambak nabaut na spoilim laip bilong ol narapela pipel bilong ples.
11. Dring bia tumas o spak nabaut planti long ples.
12. Karim nabaut spia o banara o arapela samting bilong pait, inap husat i lukim bai i gat pret o guria.
13. Bikhet long tok bilong Viles Mejistret o wokman bilong en long mekim sampela komuniti wok, i gat pasin bilong ples long mekeim.
14. Bikhet long oda long klinim ples o rausim ol pipia inap long bringim sik i kam insait long ples.
15. Trabel i kamap long pe bilong meri, sapos em i pasin tru bilong ples na ol pipel i amamas long en.
16. Trabel long husat i ken papa o mama long pikinini em i bin kamap insait long pasin marit bilong ples.
17. Bikmaus nabaut na bikhet taim Viles Kot i sindaun long harim kot.
18. Brukim sampela lo Kaunsil i bin mekim, na gavman i bin oraitim.

NIUS MUSIK

Sapos yu harim nius i kam long NBC Port Moresby, pastaim yu harim sampela musik bilong PNG stret. Long dispela ol arapela kantri i har-

im yumi, ol i ken save mak bilong yumi.

Mista Ovia Toua, Hetman bilong ol Nius, i amamas tru long en.

Musik hia i kam long 3-pela man bilong Isten Hailans. Ol i winim tu-

KISIM KRISTEN EDUKESAN KOS



* Kirap long lephan long poto, yumi lukim Mis Nasilivata i soim Mis Jenny Nato bilong Anglik Misin long Niu Hebridis long ples Suva em ples bilong em.

Mista Nasilivata i stap long namba wan la bilong ol lida i kisim spesel Kristen Edukesan Kos.

Dispela kos i bin go inap 5 mun na i skulim kristen tisa bilong Nauru, Samoa, Fiji, PNG, S lomon Ailan na wanpela lei sista bilong Guam.

pela mambu bilong Hailans na paitim wanpela kundubilong Westen Distrik.

Mista Sam Piniau, Siaman bilong NBC, i bin statim dispela pasin.

Mipela i no save watpo ol i no paitim garamut. Em samting tru bilong autim tok na nius.

**NAMBA WAI
ATS SENTA**

Long 21 Februari Mis Moses Sasakila, Minis bilong Kalsa na Rekrisen, i opim wanpela napa kain skul olike im Krietiv Ats Senta.

Em i wanpela skul ol manmeri i ken skul long pasin bilong pen piksa, sapim kaving, meim gutpela poto, rait musik, na droim olka piksa.

Dispela Senta bilo yumi PNG em i namba wtru namel long olge kantri bilong Saut Pasifik.

Ats Senta i stap klo tu long Yunivesiti lo Port Moresby. Hetman bilong en, em Mista Tom Craig bilong Skotland.


I gat 14 tisa lo dispela senta na 25 studen. Bai ol i salim studen i go long wanpela bikpela Blak Ats Festival o So long Nigeri long Afrika.

Gavman bilong Australia i bin givim prese inap \$5 milien dola bilong kirapim dispel senta.


Nau yu ken kisim tok i kam long olgeta hap bilong graun

Ating yu laik harim tok i kam long Englan.....
o yu laik harim musik i kam long Yurop
o kisim Sydney o Melbourne o Canberra.....
o yu laik kisim olgeta stesin bilong Papua Nu Gini.....


ORAIT, YU BAIM DISPELA REDIO NA YU WIN.



R 358 B
Deluxe Portable (3 Band MW/SW1/SW2)
12 Transistor 4 - Diode
2 Speakers with big output
Easy to read "Magic Meter"



R 247JB/HB
A/c/Battery operation 2 Band MW/SW
8 Transistor in Leatherette Cabinet



RF 399
Tuned RF Stage, 12 Transistors
3 Band (MW/SW1/SW2)
Signal strength meter
fine tuning.



BURNS PHILP (New Guinea) LTD
i save salim na fiksime



Kopi kibung

Long mun Jun bai i gat kpela kibung bilong geta kantri i save bim na salim kopi. Hia bai ol i toktok ng prais bilong kopi bai ol i makim hamas k kopi wan wan kantri ken salim. Gavman i laik bai Mis-Makowski bilong Australia bai tokman bing PNG long dispela kpela kibung.

ol wokman i mas winim mani inap long baim ol dispela samting. Olsem na mipela mas apim pe. Em hia ol man i mas kisim dispela pe: ol man i wok long kopra na kakao na raba na ti na kopi na welpam plante-sin. Na ol man i mekim wok gaden bilong kampani, o lukaut long ol bulmakau.

Pasim dring

Namba wan minista i tok kabinet bilong em i ting long pasim pasin bilong dring, long wanem planti trabel tumas i bin kamap long pasin spak insait long olgeta hap bilong kantri.

Em i tok ol plisman i lukaut bai long taim bilong pati long ples i no gat planti strongpe-la dring tumas.

Bipo liklik, Somare i

tok, ating bai ol meri bilong kantri i belhat tru na i votim wanpela lo bilong rausim dring. Long wanem ol meri na ol famili i bagarap tru long dispela pasin no-gut, yumi bin kisim long ol waitman tasol. Em i no samting bilong ol tumbuna. Nogat tru.

Planti bai go

Mista Poe, Minista bilong Intiria, i bin promisim ol wokman bai i gat planti gutpela haus long mun Julai, bikos long dispela taim kontrak bilong planti waitman i wok long gavman bai i pinis na bai ol i lusim PNG na i go bek long ples.

Ol Japan bai no statim tin pis faktori long hap bilong Madang.

Lukim India salim kaikai

Oltaim oltaim yumi save rit India em i kantri we planti pipel i save dai olgeta de long hangre. Olsem na mipela long WANTOK i kalap no-gut long kisim dispela tok long INDIA NEWS bilong Ailan Fiji.

Em i tok, long yia i go pinis India i bin salim kaikai inap long 310 milien rupi (em i mani bilong ol). Planti ol i bin salim long bikpela kantri Rasia.

Ol i save wokim wanpela kain jem na i salim tu wara bilong mango i go inap long 6,000 ton.

Ol i laikim tu winim mani long suga bilong ol na planti kain sayor na frut. Long yia i go pinis ol i bin salim 65,000 kilo anien.

Pe antap gen

Ol mankimasta na ol mi wok long plantesin ai mas kisim pe inap 10.26 long wan wan wik. Ista Charles Lepani, an bilong bosim pe bilong ol wokman i tok. Em i tok prais bilong lgeta kaikai samting i in go antap, olsem na

BIKPELA KIBUNG BILONG OLGETA WOKMAN BILONG RURAL DEVELOPMEN INSAIT LONG OL SIOS

* Bai i kamap long Martin Luther Semineri long Lae, long Tunde, 1 Epril, na i go inap long Fraide, 4 Epril.

* Dispela kibung i bilong ol man i save bosim olkain wok didiman insait long ol ples.

* As bilong dispela kibung em hia:

(1) Bilong senisim olkain tingting na save, long olkain samting na laik bilong wan wan man na wok bilong ol.

(2) Bilong strongim pasin bilong wanbel na bung na wok wantaim namel long ol wokman bilong rural developmen.

Sapos yu laik kisim sampela save moa long dispela kibung, yu salim pas tasol i kam long:

Melanesian Council of Churches
P.O. Box 80,
LAE.


Mipela inap wokim

OLKAIN SAMTING LONG KANDA

SALIM MANI I KAM

WANTAIM ODA

lukim ol prais hia



Autim laik bilong yu tasol

olkain sia
olkain tebol
olkain basket
blain pangal

Mipela ken salim long sip o balus. Rait tasol i go long:

CANE INDUSTRY
PES-AITAPE, W.S.D.

Bisnis bilong ol lokal pipel stret



Long mun Janueri 40 yangpela pipel bilong Papua Niugini, Tonga, Fiji, Australia, na Nu Silan i kibung long hap bilong Sydney.

Ol i laik bai ol dispela kain yang pipel i ken save moa long pipel bilong ol kantri raun nabaut long ol, na olsem

tasol ol i ken helpim go het bilong ol na i ken pren bilong ol.

Dispela grup i gat 10 pipel bilong PNG. Ol i bilong kain kain Kristen lotu.

Dispela grup i bin senisim olkain aidia na tingting bilong ol pasin bilong ol kantri bilong

ol. Na ol i lainim plan- ti long ol arapela deliget i stap long kibung.

Nau ol i save mobeta long wok wantaim.

Dispela ripot i kam long Mis Sabet Samen, em i wanpela Sepikmeri i stadi nau long nes long Mackay klostu long Brisbane.

Nau Invesmen Kopores bilong Papua Niugini gat 1000 memba.

Mista Didacus Tsiar wanpela plisman, em bin kamap namba wan ta sen bilong ol man i g sampela hap o sea insa long dispela kampani.

Dispela Invesmen K poresen i olsem wanpe bikpela lain Papuan Niuginian ol i laik b mani bilong ol i go i sait long ol kampa bilong Papua Niugini i olsem tasol sapos ka pani na bisnis bilon en i go het gut, ol di- pela man bai kisim wir mani.


Inap nau dispela In vesmen Koporesen i puti mani insait long 26 kar pani. Em i bin puti klostu \$12 milien dol long dispela wok. Na e i winim moa olsem wa milien dola i kam be long ol memba i sta insait long Koporesen.

Ol memba hia i holi 748,000 hap o sea lon en. Ol Papua Niugini ta sol i ken holim sea. O arapela nogat.

Man i laik insait mas baim 50 sea o moa.

Na dispela 50 sea ol kostim \$58.50.

Invesmen Koporesen y i soim ol pipel olsem wanem mani bilong ol i ken winim moa mani na tu olsem wanem ol yet i ken mekim olkain bisnis insait PNG i go het.



TRAIM AI Yu ting i gat hamas stik masis i kapsait i stap hia long dispela piksa? Yu ting 100, o nogat? Yesa, moa olsem 100. Sapos yu go kaunim tru, bai yu ken painim i gat 150 stik masis stret. Orait, nau yu yet yu go traim.

LEBA OFISA LONG ISRAEL

Wanpela ofisa bilong Pablik Sevis Asosiesen, Mista Paul Arnold, i go mekim trening inap 3½ mun long kantri Israel. Pablik Sevis Intenesenel i baim rot na skul bilong em.

Long dispela kos i gat 53 pipel na ol i kam long 25 kain kain kantri. Sampela i Yunion lida na ol arapela i koprativ ofisa na leba ofisa bilong ol gavman.

Dispela kos i gat 4- pela hap.

(1) Pasin bilong kamapim mani na skelim stret.

(2) Olsem wanem yumi ken yusim ol koprativ long mekim wok i go het.

(3) Kain kain yunion na ol as tingting bilong ol woka edukesen skul, na ol tret yunion.

(4) Pasin bilong ol Yunion long Israel: pasin bilong ol woka i toktok wantaim ol bos.

SAINA AIDIA

i kam long pes 1)
im wankain.
I Saina tu, i man na
i bilong hatwok tru.
umi ken baim rais
g ol na oli ken baim
ra na ol arapela wel
g yumi.
ir Maori i lukim tu
em wanem ol meri long
na i mekim wankain
olsem ol man. Olgeta
el i bisi moa.

OLABOI

OL MEMBA BILONG HAUS
OV ASEMBLI I LAIK TOK
LONG APIM PE BILONG OL
YET. YU SAVE HAMAS MANI
WAN WAN MEMBA I KISIM?

NAU EM I KISIM \$4200
DOLA LONG YIA. EM I MIN
EM I KISIM \$160 LONG
FOTNAIT, MASKI EM I WOK
O EM I SINDAUN NATING
LONG PLES.

SAMPELA I LAIKIM MOA.

WATPO OL I KAMAP MEMBA BILONG Y.C.

(stori i kam long pes 4.)

mi kamap memba bilong YC long olgeta taim
i gat YC niusleta na kain kain nius long
YC, olsem long yumi ol yangpela hia, i stap
insait. Na tu mi laik danis na YC i ranim
danis gut tru.

JUNIA GEL Mi laik memba long wanem long olgeta
de long moning mi kisim moa save lik-
lik na dispela i ken helpim mi long bi-
haintaim.

JUNIA BOI Mi kamap memba long wanem mi laik
danis, na tu mi kisim liklik save moa na
spot long strongim bodi bilong mi.

KMAN 4 Mi kamap memba long helpim ol yangpela
i ken sindaun gut. Mi no go long YC long
danis o narapela samting, tasol mi helpim
ol long liklik mani bilong mi.

Ol sios wok wantaim



Poto antap i soim Pa-
ter Kevin Walcot, em i
tokman bilong ol Katolik
long bikpela kibung bi-
long olgeta bikpela
sios bilong PNG long Lae
long Februeri.

Long dispela taim ol
i toktok long pasin bi-
long olgeta sios o lotu
i ken wok wantaim long
yusim redio na niuspepa
na prinim ol buk. Ol dis-
pela kain wok i gat bik-

nem: komyunikesen.

Long yia i go pinis,
Evanjelikal Alaians na
Yunaitet Sios na ol Lu-
teran na Katolik i bung
long statimbikpela grup
ol i kolim "Churches'
Council for Media Coord-
ination" (CCMC).

Insait i gat Kristen
Redio, Wantok Publica-
tions, Kristen Pres, na
CAVA studio.

Long namba 1 de bilong
Mas, wanpela Lutheran
Pasto, Gaylen Gilbertson
i bin kam long Amerika
bilong stiaim dispela
grup na ol wok bilong
en. Bipo Pasto Gilbert-
son i stap long Japan
na i bosim ol wok redio
bilong ol Lutheran.

NBC Redio long PNG i
strong long olgeta sios
i laik wokim program
long ol redio stesin i
mas wok wantaim. Gavman
i no laik wok wantaim
wan wan sios.

NAMBAWAN KAIKAI BILONG OL FAMILI




Lukautim bai tripela kaikai hia i swit
na i gat strong long en i stap oltaim
long haus bilong yu.

HEINZ kompani i yusim gutpela samting
tasol bilong wokim ol dispela kaikai.
Sapos yu laik hariap redim strongpela
kaikai - na tomato sauce i gutpela tru na
swit moa - lukautim mak bilong HEINZ.


Heinz

2167E





PNG tebol tenis tim i stap toktok long Melboure wantaim wina bilong yia 1974, Mista Steve Napp. Kirap long lephan long poto yumi lukim Misi Kila, Mista Russel Purai, Misi Geua Kwalahu i Mista David Petelo.



Mista Jastis Frost

Papua Niugini i gat wanpela nupela namba wan jas o jastis, em Mista Jastis Frost.

Taim em i tok tru antap long holim gut wok bilong em, Jastis Frost i tok: oltaim bipo i gat sampela jas bilong ol arapela kantri i bin stap insait long ol kot bilong PNG. Na em i tok tu em bai hepi long taim sampela lokal man i ken kisim wok jas long ples bilong em.

Emilaikim tu dispela aidia long sampela save-man bilong PNG i sindaun tu arere long em long kot bilong mekim klia ol pasin bilong kantri na ol tumbuna.

Wanpela nupela jas tu bilong suprim o haikot em i kam long Uganda long Afrika. Nem bilong em Jastis Saldanha.

Long 17 Februeri moa olsem K3,000,000 i bin kamap long Port Moresby. Yu save "K" em i Kina.

Nainpela Pasto Lainim Wok Redio

Nainpela Luteran pasto bilong Morobe na Madang na Westen Hailans Distrik i bin tren long wanpela kos inap 4-pela de long Kristen Redio Senta long Martin Luther Semineri long Lae.

Mista Geoff Baskett i trenim ol long olgeta kain pasin bilong ritim Baibel na mekim sotpela lotu o toktok long ol rijonal redio stesin bilong NBC.

Ol tu i skul long pasin bilong toktok i go insait long maikrofon, long ranim teprikoda, na pasin bilong raitim ol program yangpela pipel bai i ken laikim.

BAIM WANTOK

Sapos yu wanpela yu laik kisim WANTOK i kam long yu stret, orait yu salim dispela tiket i kam:

Mi laik kisim WANTOK niuspepa inap wan yia olgeta. Nau mi salim \$4 (foa dola) i kam;

Nem:

Adres:

Salim i kam long :

WANTOK - P.O. BOX 396 - WEWAK

MAN, MI GAT DRAIPELA SIK, HIA... SKIN I HAT, NEK I DRAI... NA I LUK OLSEM KLOSTU MI INDAI...

YU NO INDAI, PAPA... SIK FLU I HOLDIM YU TASOL. KAIKAI TUPELA ASPRO PASTAIM...

EM NAU... YU ORAIT LIKLIK NAU... ASPRO I SAVE RAUSIM PEN BILONG DISPELA SIK.

Nambawan marasin bilong olgeta pen

MICROFINED FOR RAPID ABSORPTION
CONTENTS: 25 TABLETS

'ASPRO'

FOR HEADACHE, PAIN, COULD & FLU SYMPTOMS

DISPELA ASPRO BILONG OL PIKININI



JUNIOR

...em i swit... ol i tanim wantaim wara bilong muli

Wok bilong em bilong rausim:

FIVA - HET I PEN TIT I PEN - KUS

ASPRO
REGD. TRADE MARK

JUNIOR

Skel bilong givim long ol pikinini i olsem:

Pikinini i gat

1 inap 2 yia = kisim 1-pela kinin Aspro Junior

2 inap 4 yia = kisim 2-pela kinin Aspro Junior

4 inap 7 yia = kisim 3-pela kinin Aspro Junior

7 inap 12 yia = kisim 4-pela kinin Aspro Junior

Givim marasin olgeta 4-pela 4-pela aua.

Tambu long givim Aspro long pikinini i no gat 1 yia yet.

YU KEN BAIM LONG OL STUA MARASIN